



Palonguos botanikas parks

(Atkelta iš 11 p.)

geruokā nu metu našmenēs pavargusi Vasaras estrada. Kuo gera ana ēr pu dvijū metu žmuonēms dā tarnaus. Dā īr ēr miesta savēvaldībēs bēbliuotēkas erdvēs patalpas, katruos par rēngēnius gal priglaustē būrieli tēkruos kultūras gurnamu. Muokīklu salies tēp pat gal vīktē tētru spektaklē, klasēkēnēs mozēkas koncertā. Īr nemažā ēr puoēlsē nomū, vīlu, katrū šeimīnkā tuokē pruogo tēp pat rastom rēkala isēleistē rimtuosēs kultūras atstuvovus.

Bet...Galvuojint aple tou 2013 metu vasaras suostēnē mintīs daugiausē krīps i kurorta viešuosēs erdvēs, katruos pagal tradicē-jē jau daug metu sotrauk daugiausē klasēkēnēs mozēkas gerbieju, folkluora puoselietuoju ēr kētū tēkruosēs kultūras mīlietuoju. Ēr tēp... kalba eit aple Palonguos skverus, miesta aikštēs, Palonguos tēlta, Palonguos botanikas parka, dūduoriu ēr potamūju instrumētū mozēkas miegieju mīlama rotonda tamē parkē, Birutēs kalna, Žemaitiu kalnieli.

Neožmēršuom, bet patē pabaigā palēkuom Palonguos Tiškevičiu rūmus, kor nu 1963 metu veik Palonguos gintara muziejus. 2013 m. bus līgē 50 metu, kāp tas muziejus gīvoun. Ons bova pērmāsīs gintara muziejos pasaulie. Kāp atsēmēn anuo kūries, dabartēnis Lietovuos dailēs muziejaus dērektorios, pērmāsēs muziejaus veik-



Vešrou – Žemaitiu kalnielis Palonguos botanikas parkē ēr paskotēnēs metās anuo papoušē krēkštā



Paminklos Žimem pasaulē parka kūrieju André Eduardou Palonguos botanikas parkē (autoorē – Oškinitē Gražina ēr Likša Gintauts)

Portēgrapējuos dešēnie (nu vērsaus):
Palonguos buotanikas parks, tvēnkinis,
grafū Tiškevičiū rūmā (dabar – Palonguos
gintara muziejos); Palonguos lurds; grafū
Tiškevičiū ikorta Palonguos parka dēdliesis
parteris vasaras pradiuo, 2011 m.

luos metās parkē žmuoniū, nuorintiū paktektē i muziejo, liuob eilēs kuožna dēina nusitēstē. Vēsē ejē ēr važiava če, nuorie-damē pamatītē tuo Lietovuos auksa ivai-ruovēs, gruožē ēr žmuoniū sogebiejēma anou paverstē mena kūrēnēs.

Palonguos gintara muziejos bova pe-rimts iš Lietovuos dailiniku sājungas, kat-ra pu kara če bova irēngusi dailiniku kūribas nomus. Kara ēr kētū istuorēniu so-ērutiū laikās stēprē nokēntiejē rūmā jau bova geruokā pakeistē, daugiausē anū vē-dos – naujē interjerā, naus ēšplanavēms. Muziejos, nuorie-dams rūmams sogroužintē kēik imanuo-ma daugiau autentēškoma, priš muzejiaus atēdarīma daug kou če at-kūrē, bet tas bova tik pradē i prasēdedonti dēdēli darba sogroužēnont rūmams anū ontrojē jaunistē.

Lietova nikumet nebova ekuonuomēškā stēpri valstībē. Iš vēsū keturiū Lietovuo esontiū žīmaus arkitekta Andrē Eduarda sopruojektoutu parku ēr anamē stuovēntiū rūmu lig šiuol geriausē bova priveizamē palonguo esou uobjektā. Sovietmetio če bova net sājungēnēs reikšmies kurotra svarbiausi kultūrēnē zuona. Lietovā isē-jungus i Euruopas Sājunga, atsērada ga-lēmībē rūmu ēr anou sopontē parka sot-varkīmou vēino meto skērtē nemažā pi-ningū. Ta galēmībē bova ēr ir išnauduoje-ma. Paskotēnēs metās tēi, katrēi rēngē dvara ansablē, atskērū anuo daliū re-konstrucējēs, sotvarkīma pruojektus, tē-kiejos greita ēr išpūdinga rezoltata. Bet, pradiejos igivēndintē pruojektus, kāp ēr daugelie kētū šiu dēinū gīvenēma sritiū anēi sosēdūrē so mūsa gīvenēma kartē relībē, baisiausiū biurakratizmo, viešūju pērkēmu ēr teismū maratuonās, paslaugū teikieju ēr darbū atlēkieju nekompetēncē-jē ēr daugelio kētū pruoblemu. Bet... Je tori kontribēs, je esi tvērts, tvērtā isētēkēnēs sava darba teisomo ēr rēkalingomo, gali ēr tuokēs klūtis iveiktē. 2011 m. vasaras pradiuo daug planoutu darbū Palonguos gintara muziejauo jau bova atlēkta – pa-

(Nukelta i 14 p.)

